

Հարգելի խմբագրություն

Հետևելով «Պատմա-բանասիրական հանդեսի» համարներին, ինչպես նաև հայագիտական այլ հրատարակություններին, հաճախ եմ հանդիպում այլազգի հայագետների անուններին: Սակայն, ցավոք, նրանց մասին մեծ մասամբ հիշատակվում է ի միջի այլոց, տվյալ թեմայի հետ առնչվող նյութի կապակցությամբ: Շատ ցանկալի էր իմանալ մանրամասնություններ նրանց կյանքի ու գործի վերաբերյալ (ապրած ժամանակը, միջավայրը, ի՞նչ պայմաններում և ի՞նչ մղումով են նրանք զբաղվել հայագիտությամբ): Եթե հնարավոր է, խնդրում եմ այսուհետև «Հանդեսիդ» էջերում պարբերաբար և ավելի հանգամանալից անդրադառնանք օտարազգի հայագետներին:

Ձեր հանդեսի ընթերցող՝ ՍԵՐԳԵՅ ՀԱԿՈԲՅԱՆ

Հարգելի ընկ. Հակոբյան,

«Պատմա-բանասիրական հանդեսը» տարիների ընթացքում, պատեհ առիթը ներկայանալիս, իր էջերը տրամադրել է ինչպես հայ, այնպես էլ այլազգի հայագետներին: Հանգամանալից հոդվածներ են տպագրվել՝ Վլադ Բրնըցյանուի (1960, № 3, էջ 233—237), Չարլզ Դաուսերի (1962, № 4, էջ 233—236), Ֆրեդերիկ Ֆեյդիի (1963, № 4, էջ 255—261), Յոզեֆ Մարկվարտի (1965, № 2, էջ 149—156), Նիկողայոս Մաոի (1965, № 1, էջ 125—136), Բրոսեի (1967, № 1, էջ 198—212) և ուրիշների մասին:

Այսուհետև ևս մեր հանդեսը կշարունակի տպագրել հոդվածներ հայագետների կյանքի ու գործունեության վերաբերյալ:

ԽՄԲԳՐՈՒԹՅՈՒՆ